

Cantem nadal.

Ieu me soi levat per un matinet,  
Que l'alba preniá son blanc mantelet.

Cantem Nadal ! Nadal ! Nadal !  
Cantem Nadal encara.

Ai pres ma capòta e mon capulet,  
E mon cort mantèl de droguet violet.

Ieu me'n soi anat cercar Guilhaumet :  
Qu'escotas aquí, gai pastorelet ?

Escoti cantar lo rossinholet,  
Jamai ai ausit cant tant aimablet.

N'es lo rossinhòl, ni autre aucelet,  
Mas del paradís, un bèl angelet.

Ditz qu'a Betelèm, dins un establet,  
Es nascut anuèit un Dieu enfantet.

Nadal tradicional.